

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10. stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 13-1355-2/19. od 27.09.2019. godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa vd Direktorica Mr. Edisa Kanlić (u daljem tekstu: Ugovorni organ)

i

2. **OD „ODŽAČAR“ Habibović Enver, ul. Velešići br.58., Sarajevo**, registrovan kod Općine Novo Sarajevo, Služba za oblast privrede i finansija broj: 03-21-317/16 od 29.06.2016. godine, identifikacijski broj kod Porezne uprave FBiH Kantonalni ured Sarajevo 4300849850006, identifikacijski broj obveznika PDV 300849850006, koga zastupa Habibović Enver, (u daljem tekstu: Vršilac usluga)

Dana, 27.09.2019. godine, u Sarajevu, zaključuju

## UGOVOR

o vršenju usluga čišćenja kotlova i dimnjaka u kotlovnici

### Član 1.

Ugovorne strane su saglasne da će Vršilac usluga za potrebe Ugovornog organa vršiti usluge redovnog čišćenja kotlova i dimnjaka u kotlovnici u objektu Ugovornog organa, za period od dvije godine, odnosno za sezonu grijanja 2019/2020 i 2020/2021 godina, a sve prema zahtjevima Ugovornog organa iz Zahtjeva za dostavu ponude broj: 13-1355-1/19. od 23.09.2019. godine i Ponudi Vršioca usluga broj: 1-022 od 25.09.2019. godine, koji čine sastavni dio ovog Ugovora i to:

1. Čišćenje kotla do 1200 kw (kom. 1), a izvršit će se svako dva mjeseca u sezoni grijanja, ukupno 3 čišćenja u sezoni grijanja:  
Kom 1 x 468,00 KM x 3 1.404,00 KM
2. Čišćenje kotla 100 kw (kom. 1), a izvršit će se svako dva mjeseca, ukupno 3 čišćenja u sezoni grijanja:  
Kom 1 x 117,00 KM x 3 351,00 KM
3. Čišćenje dimnjaka (kom. 2), a izvršit će se svako dva mjeseca, ukupno 3 čišćenja u sezoni grijanja:  
Kom 2 x 70,20 KM x 3 210,60 KM
4. Antikorozivna zaštita kotla 1200 kw po završetku grijne sezone, po cijeni od 468,00 KM sa PDV-om.

Navedeni iznosi su izraženi za period od jednu godinu i obuhvataju cijenu jednog čišćenja kotlova i dimnjaka i prema važećim propisima čišćenje kotlova i dimnjaka obavlja se svako dva mjeseca, odnosno tri puta u sezoni grijanja, dok se antikorozivna zaštita kotla 1200 kw obavlja po završetku sezone grijanja.

### Član 2.

Ukupna ugovorena vrijednost predmetne nabavke za period od **2 (dvije) godine** iznosi **4.160,00 KM bez PDV, odnosno 4.867,20 KM sa PDV.**

Ugovorena vrijednost predmetne nabavke je fiksna do kraja izvršenja Ugovora.



### Član 3.

Ugovorne strane su saglasne da se fakture za plaćanje ispostavljaju po izvršenim uslugama, dok će Ugovorni organ plaćanje za izvršene usluge vršiti u roku od 30 dana od ispostavljanja fakture, na transakcijski račun Vršioca usluga broj: 3389002204134696, otvoren kod UniCredit Bank dd Sarajevo.

### Član 4.

Poslove na čišćenju kotlova i dimnjaka navedenih u članu 1. ovog Ugovora, Vršilac usluga će izvršavati na lokaciji gdje se navedeni dimovodni objekti i uređaji nalaze.

Vršilac usluga se obavezuje da će pružanje ugovorenih usluga vršiti prema važećim standardima i pravilima struke, odnosno da će predmetne usluge vršiti u skladu sa odredbama važećeg Zakona o dimnjačarskim uslugama, Odluke o dimnjačarskoj djelatnosti i Zakona o kvalitetu zraka.

Vršilac usluga garantuje blagovremeno i kvalitetno vršenje usluga, a u slučaju reklamacije na nekvalitetno obavljene usluge, obavezuje se na ponovno izvršenje istih o svom trošku.

### Član 5.

Vršilac usluga se obavezuje da će čišćenje kotlova i dimnjaka u kotlovnici Ugovornog organa obavljati svako dva mjeseca u sezoni grijanja, da će prvo čišćenje izvesti u novembru 2019. godine, da će antikorozivnu zaštitu kotla 1200 kw obavljati po završetku sezone grijanja, a u slučaju hitne intervencije garantuje da će biti na raspolaganju radi otklanjanja neodložnog kvara.

### Član 6.

Ugovorne strane su saglasne da svaku uslugu prati otpremnica i radni nalog obostrano ovjereni.

Ugovorne strane su saglasne da se na recepciji Ugovornog organa vodi knjiga izvršenih usluga i intervencija, u koju će neposredni izvršilac usluge i predstavnik Ugovornog organa upisivati podatke o izvršenim uslugama i intervencijama, kao i o utrošku potrebnog materijala.

### Član 7.

Ugovorni organ se obavezuje:

- da Vršiocu usluga omogući nesmetan pristup dimovodnim objektima i uređajima radi izvršavanja ugovorenih obaveza;
- da nestručnim osobama ne dozvoli pristup do postrojenja koji su predmet ovog Ugovora;
- da održava potrebne uslove, red i čistoću u prostorijama gdje se predmetni dimovodni objekti i uređaji nalaze;
- da za radove koji nisu predviđeni ovim Ugovorom izda Vršiocu usluga pisanu narudžbu;
- da izvrši provjeru izvršene usluge i da neposrednom izvršiocu usluge potpiše i potvrdi radnu dokumentaciju.

### Član 8.

Ugovorne strane su saglasne da se u periodu važenja ovog Ugovora, cijene usluga precizirane članom 1. i članom 2. stav 1., neće mijenjati.



Član 9.

Ovaj ugovor se zaključuje za period od (2) dvije godine, za sezonu grijanja 2019/2020 i 2020/2021 godina, odnosno do ispunjenja svih ugovorom predviđenih obaveza i primjenjuje se od dana potpisivanja obje ugovorne strane.

Član 10.

Izmjene i dopune ovog Ugovora mogu se vršiti u pismenoj formi, uz saglasnost ugovornih strana.

Član 11.

Ugovorne strane mogu ovaj Ugovor raskinuti i prije njegovog isteka ukoliko se jedna od ugovornih strana ne bude pridržavala odredaba istog, uz predhodno izmirenje svih ugovorenih obaveza.

Član 12.

Otkazni rok po ovom Ugovoru je 30 dana, od dana prijema pismenog obavještenja o otkazu Ugovora, a po isteku ovog roka, Ugovor se smatra raskinutim.

Član 13.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je Sud u Sarajevu.

Član 14.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

VRŠILAC USLUGA:

Broj: 1-02

Sarajevo, 27-09-19



*Handwritten initials*

UGOVORNI ORGAN:

Broj: 175-1355-4/19

Sarajevo, 27-09-2019

